



ROVVILTNEMENDA I REGION 1

Vest-Agder, Rogaland, Hordaland og Sogn og Fjordane

Rovviltnemnda region 1
Adresseliste

Dykkar ref:

Vår ref.:
2016/4203

Arkivnr.:

Dato:
25.11.2016

Jakt på gaupe i regionen i 2017. Vedtak om eventuell kvotefri jakt.

Saksframlegg frå sekretariatet

Sak 06/16: Jakt på gaupe i regionen i 2017. Vedtak om eventuell kvotefri jakt.

Politiske føringar og lovverk

Desse dokumenta er lagt til grunn for saksframlegget:

- St.meld.nr. 15 (2003-2004) Rovvilt i norsk natur
- Innst.S.nr 174 (2003-2004)
- Lov av 19.06.2009 nr 100. Lov om forvaltning av naturens mangfold
- Forskrift av 19.03.2005 Om forvaltning av rovvilt
- Forvaltningsplan for rovvilt i Region 1, revidert i 2014
- Data frå overvakingsprogram for rovvilt
- Rovviltforliket i Stortinget, Dokument 8:163 S(2010-2011) av 16.06.2011

Saksopplysningar

Faggrunnlaget er noko usikkert sidan familiegrupper av gaupe blir registrert/talt opp i perioden 1. oktober til 28 (29) februar. Registreringane er avhengig av gode sportilhøve og for region 1 er det sjeldan stabile tilhøve før nyår. Bestandstala for heile landet kan difor endre seg frå i dag og til gaupejakta startar 1. februar 2017.

Tal få Rovdata viser at gaupebestanden er på veg nedover i høve dei siste åra. For 2016 var tal familiegrupper før jakt rekna til 52. I tal tyder dette om lag 310 individ. For 2015 var talet på familiegrupper 60,5 og for 2014 var det 53,5. Det nasjonale målet er på 65 familiegrupper. Rovdata reknar med at det vil vere om lag 54 familiegrupper i heile landet før jakta i 2017. Det ble felt 65 gauper under jakta i 2016. I region 1 vart det felt to hanngauper i Vest-Agder.

På Rødlista over trua arter er gaupe plassert i kategorien sterkt trua. Hovudgrunnen var (i 2014) tilbakegang i Sverige som betyr mindre innvandring til Noreg. Etter denne tid har

Postadresse:
Rovviltnemnda i region 1
c/o Fylkesmannen i Sogn og Fjordane
Njøsavegen 2
6863 Leikanger

Leiar for rovviltnemnda:
Aleksander Øren Heen
Naddvik, 6885 Årdalstangen
Telefon: 91134842

aleksander.heen@sfj.no
<http://www.fylkesmannen.no/sfj>

Sakshandsamar:
Hermund Mjelstad
Telefon 57643124

fmsfhm@fylkesmannen.no

bestanden i Sverige auka og er no på 221,5 familiegrupper sist vinter (ca 1300 gauper). På sikt er det naturleg at bestanden i Noreg vil auke igjen grunna ny innvandring.

I region 1 er det ikkje nasjonale mål om yngling, og nemnda vil difor alltid ha mynde til å vedta gaupejakt. Etter rovviltforskriften skal gaupejakta vere kvoteavgrensa, men det kan gjerast unntak ved å fastsette kvotefri jakt i visse høve, jf, forvaltingsplanen. Rovviltnemnda har i fleire år vedteke kvotefri jakt på gaupe i heile regionen. Jakttida er i februar og mars.

Vurdering

Sjølvsagt er det ikkje registrerte familiegrupper i region 1, finst gaupe spreidd innfor regionen og skadepotensialet er stort i regionen. Sekretariatet vil rå til å halde fram med kvotefri jakt i heile regionen. Bestanden er liten, og det er i hovudsak streifande hanndyr som blir felt. Uttaket vil uansett vere lågt og vil ha minimal innverknad på utviklinga i den nasjonale gaupebestanden.

Framlegg til vedtak

- 1. Rovviltnemnda opner for kvotefri jakt på gaupe i heile Region 1 i 2017. Jakttid er 1. februar til 31. mars. For utøving av jakta gjeld reglane i viltlova med tilhøyrande forskrifter.*
- 2. Felling eller forsøk på felling skal så snart som råd meldast til Fylkesmannen. Felte dyr skal dessutan framsynast til Statens naturoppsyn for prøvetaking m.v. med opplysning om kjønn, alder, tidspunkt for felling og fellingsstad.*
- 3. Fangst av gaupe skal utøvast etisk forsvarleg og i samsvar med reglane for bruk av fangstredskap. Bruk av fangstredskap krev godkjenning frå Fylkesmannen.*
- 4. Rovviltnemnda kan til ein kvar tid gjere om vedtaket dersom ny informasjon ligg føre.*

Rovviltnemnda hadde saka føre i tlf.møte 01.12.2016. Frå nemnda deltok Aleksander Øren Heen, Helen Hjertaas og Aase Simonsen.

Vedtak (samrøystes)

1. Rovviltnemnda opner for kvotefri jakt på gaupe i heile Region 1 i 2017. Jakttid er 1. februar til 31. mars. For utøving av jakta gjeld reglane i viltlova med tilhøyrande forskrifter.
2. Felling eller forsøk på felling skal så snart som råd meldast til Fylkesmannen. Felte dyr skal dessutan framsynast til Statens naturoppsyn for prøvetaking m.v. med opplysning om kjønn, alder, tidspunkt for felling og fellingsstad.
3. Fangst av gaupe skal utøvast etisk forsvarleg og i samsvar med reglane for bruk av fangstredskap. Bruk av fangstredskap krev godkjenning frå Fylkesmannen.
4. Rovviltnemnda kan til ein kvar tid gjere om vedtaket dersom ny informasjon ligg føre.

Nemnda sitt vedtak kan påklagast innan 3 veker frå vedtaket er motteke. Klaga skal handsamast av Klima- og miljødepartementet, men sendast til rovviltnemnda.

Med helsing

Aleksander Heen

Leiar

Rovviltnemnda for region 1

91134842

Brevet er godkjent elektronisk og har derfor ikkje underskrift



ROVVILTNEMENDA I REGION 1

Vest-Agder, Rogaland, Hordaland og Sogn og Fjordane

Adresseliste, pr. e-post:

Naturvernforbunda i fylka i Region 1

Foreningen våre rovdyr: fvr@fvr.no

WWF Norge: wwf@wwf.no

Norges Miljøvernforbund: nmf@nmf.no

Statens Naturoppsyn Hordaland og Sogn og Fjordane

Statens Naturoppsyn Rogaland og Vest-Agder

Fylkesmennene i Region 1

Klima- og miljødepartementet

Miljødirektoratet

Mattilsynet region sør og vest

Sogn og Fjordane Bondelag

Sogn og Fjordane sau- og geit

Vest-Agder sau- og geit

Agder Bondelag

Rogaland sau- og geit

Rogaland Bondelag

Hordaland sau- og geit

Hordland Bondelag